



Deddf Treth Gwarediadau Tirlenwi (Cymru) 2017

2017 dccc 3

RHAN 3

GWAREDIAU TRETHADWY A WNEIR AR
SAFLEOEDD TIRLENWI AWDURDODEDIG

PENNOD 3

RHYDDHAD RHAG TRETH

32 Ail-lenwi mwyngloddiau brig a chwareli

- (1) Mae gwarediad trethadwy wedi ei ryddhau rhag treth—
- (a) os yw'n warediad deunydd ,
 - [^{F1}(i) sy'n ddeunydd cymwys i gyd, neu
 - (ii) sy'n gymysgedd cymwys o ddeunyddiau nad yw'n gyfan gwbl ar ffurf gronynnau mân;]
 - (b) os caiff ei wneud ar safle tirlenwi awdurdodedig (neu ar ran o safle o'r fath) a ddefnyddiwyd ar gyfer gweithrediadau mwyngloddio brig neu weithrediadau chwarela,
 - (c) os caiff ei wneud yn unol ag amod caniatâd cynllunio sy'n ymwneud â'r safle sy'n ei gwneud yn ofynnol i'r safle gael ei ail-lenwi (neu i'r rhan o dan sylw gael ei hail-lenwi) yn llwyr neu'n rhannol ar ôl i'r gweithrediadau hynny ddod i ben, a
 - (d) os na wnaed unrhyw warediadau trethadwy eraill ar y safle (neu ar y rhan o dan sylw) ers i'r gweithrediadau hynny ddod i ben, ar wahân i warediadau a oedd wedi eu rhyddhau rhag treth o dan adran 28 neu o dan yr adran hon [^{F2}neu warediadau y byddent wedi eu rhyddhau rhag treth o dan yr adran hon pe baent yn cael eu gwneud yn awr]

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Adran 32. (See end of Document for details)

- (2) Os daeth y gwarediadau a grybwyllir yn is-adran (1)(b) i ben cyn i'r adran hon ddod i rym, mae'r cyfeiriad yn is-adran (1)(d) at warediadau trethadwy eraill yn cynnwys gwarediadau a oedd yn warediadau trethadwy at ddibenion Rhan 3 o [Ddeddf Cyllid 1996 \(p. 8\)](#) (treth dirlenwi).
- (3) Os daeth yr holl weithrediadau mwyngloddio brig a'r holl weithrediadau chwarella ar y safle i ben cyn 1 Hydref 1999, nid yw'r gwarediadau deunydd ar y safle wedi eu rhyddhau rhag treth o dan yr adran hon oni bai bod y gofyniad a grybwyllir yn is-adran (1)(c) wedi ei osod ar y dyddiad hwnnw neu cyn hynny.

Diwygiadau Testunol

- F1** Geiriau yn a. 32(1)(a) wedi eu hamnewid (19.7.2019) gan [Rheoliadau Deddf Treth Gwarediadau Tirlenwi \(Cymru\) 2017 \(Rhyddhadau\) \(Diwygiadau Amrywiol\) 2019 \(O.S. 2019/1143\)](#), rhlau. 1(2), **3(a)**
- F2** Geiriau yn a. 32(1)(d) wedi eu mewnosod (19.7.2019) gan [Rheoliadau Deddf Treth Gwarediadau Tirlenwi \(Cymru\) 2017 \(Rhyddhadau\) \(Diwygiadau Amrywiol\) 2019 \(O.S. 2019/1143\)](#), rhlau. 1(2), **3(b)**

Gwybodaeth Cychwyn

- I1** A. 32 ddim mewn grym ar y Cysyniad Brenhinol, gweler [a. 97\(2\)](#)
- I2** A. 32 mewn grym ar 1.4.2018 gan [O.S. 2018/35, ergl. 3](#)

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Adran 32.